

AVP A CONVENCE TUR PARTIDO DI ANTILLAS CU STATUS APARTE MESTER TA REALIZABEL

y cu esaki a bin den programa di gobernacion di Antillas

ORANJESTAD(AAN)—Den nos edicion di ayera a ser muestra den e articulo ariba discurso di Mr. Henny Eman den parlamento, con AVP a cuminsa e lucha pa Status Aparte te cu MEP a tuma esaki over, y tambe cu Mr. Eman a duna MEP e elogio di a tene e lucha na bida cuminsando na añanan 70.

El a sigui menciona den su discurso despues cu Hulanda no kier a tende di Status Aparte, y cu na su regreso di Hulanda, hunto cu un grupito chiquito cu a pone e partido ariba pia, a cuminsa traha den direccion di Status Aparte pasobra si e pueblo di Aruba ta desea Status Aparte, esaki mester ta local e pueblo mester haya.

"Pero, desarollonan a tuma lugar, tambe den nos partido a realiza cu un Status Aparte manera desea 50 aña pasa, no ta realistico mas. Nos tambe tabata di opinion cu Aruba mester haya un posicion den Reino Hulandes cu ta otro compara cu e separacion cu tabata tin antes, pero si semper y cuando manteniendo por lo pronto lazonan mas estrecho cu ta posibel cu Hulanda.

"Partido AVP a splica e pueblo cu si acaso nos por yega na un opinion comun na Aruba pa loke ta trata e Status Aparte, nos ta convenci cu Hulanda ta bay di acuerdo cu e Status Aparte. Ta e pueblo di Aruba tin e derecho pa dicidi, no Hulanda, ni e otro islanan," Sr. Eman a splica den parlamento.

El a muestra cu nan tabata convenci cu nan tabata tin un caminda largo nan dilanti abata se cu ta bay tuma no pa convence hende AVP me despues pa e bay con di Curacao analiza e hen- an e convic- ida a bisa "no".

ressey na 1979 AVP a lanza e idea di un frente nacional Arubano caminda nos a splica cu si nos tur aki na Aruba por para tras di e Status Aparte, Hulanda lo respet'e y lo acept'e. Poco poco aki na Aruba e anza door di AVP a cu-

minza crece atrobe. Poco poco en vedad politiconan di e otro partidonan a cuminsa scucha nos. Tabata na 1979; cu nos den comision di independencia a formula un rapport comun caminda tur partido politico tabata para tras di Status Aparte di Aruba.

Atrobe nos mester bisa cu nos ta lamenta loke a sosode na St. Maarten. En vez cu tur partido a keda firme tras di e Status Aparte, Hulanda a impresionar e delegadonan di Aruba y e opinion na St. Maarten a cambia. Tabata AVP cu a keda persisti cu e pueblo Arubano tin e derecho pa dicidi pa su mes. Pa e motibo ey nos a existi di e presidente di e Comision di Reino di e tempo ey pa pone un nota di AVP. Pasobra AVP kier a mantene e derecho di bin back ariba tur loke e otro delegadonan a acepta. E nota ey a haya publicacion amplio den Reino Hulandes y el a habri posibilidad pa despues nos por a bini back ariba e Status Aparte", el a muestra.

lider di AVP a sigui splica cu den e mesun tempo AVP na Aruba tabata purba convence e otro partidonan cu Status Aparte mester ta realizabel y AVP tambe a tuma contacto cu e partidonan di Curacao. Varios biaha partido Nacional di Curacao a bini Aruba na 1979 y 80 y varios vez nos a bay Curacao pa reuni cu Partido Nacional pa convence e partidonan di Curacao cu Aruba ta serio den e status Aparte. Y awe nos mester gradici e politiconan di NVP na Curacao cu como prome partido na Curacao cu a acepta cu Aruba lo haya Status Aparte y a priminti di lo coopera cu e Status Aparte pa Aruba", el a laga sa den su discurso.

E tempo ey, na añanan 1980-1981 esaki tabata un cambio grandi. Un cambio fundamental di punto di bista di un partido politico na Curacao. Na e mesun momento cu AVP tabata trahando na e banda ey, nan a mira cu den gobierno e partido di Aruba cu a drenta gobierno, no tabata tin convenionan ariba Status Aparte den programa di gobernacion y a splica cu tin un maneho dualista, caminda

un banda bo tin un gobierno cu tin un programa cu no tin Status Aparte den dje, pero cu ta bisa cu den comision di Reino e asuntonan estatal ta wordo regla, mientras cu den Comision di Reino e politico- nan den Gobierno Central ta traha contra otro.

"Nos por a tende durante e reunionnan di Comision di Reino con cada vez atrobe e gobierno central ey tabata cay of lanta back. E Comision di rcino a prepara un rapport pa conferencia di mesa rondo.

E Conferencia di mesa rondo na 1981 tabata uno sumamente peligroso pa Aruba. E mesun partido den gobierno a acepta pa keda pa un periodo mas cu diez aña den e constelacion Antillano pa despues sali y bira independiente. Aki nos ta yega na e punto caminda tabata tin diferencianan fundamental ariba con e desarrollo mester ta na Aruba y na Antillas. Si AVP e tempo ey a acepta local e otro partido a acepta lo nos tabata den e constelacion Antillano y nos lo a keda den e constelacion antillano te dia di independencia.

"Ki mishi bo prepara soberania of independencia, mientras cu bo ta den constelacion antillano cu tur e organizacionnan cardinal estatal mescos. Ki mishibo prepara bo pais pa un independencia den futuro si tur e organizacionnan cu bo tin mester pa por goberna bo pais ainda ta central anto na un cierto momento diripiente bo ta bira independiente", ta local el a puntra durante su discurso.

Mr. Henny Eman a splica con AVP a keda protesta den tur tono cu e conferencia di mesa rondo di 81 pa AVP no por ta aceptabel y no por ta aceptabel pa e pueblo Arubano tampoco. El a laga sa di ta contento cu despues di algun luna di e conferencia di mesa rondo gobierno a cay atrobe y tabata tin e oportunidad pa bay Hulanda den Tweede Kamer caminda AVP a trece dilanti atrobe e posibilidad di cambio di Statuut pa Aruba y den Tweede Kamer solamente PVDA tabata e partido cu a bay rotundamente contra pero e partidonan di gobierno e tempo ey CDA y

VVD a acepta cu enverdad un cambio di Statuut pa Aruba ta necesario si bo kier tin e posibilidad pa desarolla structuranan estatal nobo pa futuro. Ta cu e mesun pensamentonan aki despues, na 82 cu AVP a participa den formacion di un gobierno central nobo. Den e programa di e gobierno central cu a ser forma na 1982 si a yega na acuerdo concreto ariba Status Aparte di Aruba y ta pa di prome biaha tur partido di

Antillas hulandes cu representacion den Staten a bay di acuerdo cu un programa di gobernacion den cual no solamente Status Aparte di Aruba ta ser reconoci, sino cu ta reconoce e derecho di autode- terminacion di e pueblo Arubano pa bay den Status Aparte of den independencia si e ta desea esaki" el a splica mustando tambe cu ta di prome biaha cu esaki a sosode den un programa di gobernacion.

INTERCAMBIO ESTUDIANTIL

ORANJESTAD(AAN)—Dia 23 di e luna aki e prome grupo di jovennan di Aruba ta viaha pa Venezuela den e intercambio anual estudiantil Aruba Venezuela.

E comision intercambio estudiantil ta haci un apelacion na mayorman di e muchanan cu a ser selecta pa paga paga nan 70 florin na Instituto di Cultura mas tarda diarazon awor prome cu 5 or atardi.

Esnan cu no cumpli cu esaki mester tene cuenta cu e comision lo considera e ora ey cu nan no tin interes mas y lo dicidi di tuma otro muchanan di e lista di reserva, pa haci e viaje.

E muchanan cu ta bay Venezuela mester ta na ferry pa no mas tarda cu 10 or anochi diamars dia 23 di juli. E ferry lo desembarca dia 24 di juli, den oranan di madrugada.

NOTIFICACION DE CURSOS

CURSO VACACIONAL.

pintura,música,expresión corporal,manualidades.teatro y títeres,taller literario,películas y juegos.

Niños de 6 a 12 años.Del 22 de julio al 16 de agosto.En horario de 2 a 5 de la tarde.

INICIACION A LA TEORIA Y LECTURA MUSICAL.

Para jóvenes a partir de los 12 años.

CURSO DE ADORNOS NAVIDEÑOS.

Para jóvenes y adultos.

CURSO DE MUÑEQUERIA EN PELUCHE.

Para jóvenes y adultos.

INSCRIPCIONES ABIERTAS

Lugar:Instituto Venezolano para la Cultura y la Cooperación.(antes Centro Cultural "Bolívar y Bello").

BACHSTRAAT 9.

Telf: 24610 - 21038